

Script of Evening Gojri News Bulletin 22 February 2026 at 1700 Hrs

ایوبینگ گو جری نیوز بلیٹن مورخہ 22 فروری 2026

یوہ آکا شوانی جموں ہے عبدالمجید تے محمد اکرم چودھری تیں خبر سُنو۔ پہلاں خاص خاص خیر۔

*1۔ وزیر اعظم نریندر مو دی نے آکاشوانی ور من کی بات پروگرام مانہہ مُلک غا لوکاں سنگ اپا خیالات سانجھا کرتاں واں کہیو ہے جے عالمی رہنما بھارت غی مصنوعی ذہانت مانہہ حصولیابیاں تیں متاثر ہوا ہیں۔

*2۔ وزیر اعظم نے شہریاں ور زور پایو ہے جے وے تہواراں غے دوران ملک مانہہ بنی مصنوعات خریدیں تے اک آتم نربہر بھارت غی تعمیر مانہہ تعاون کریں۔

*3۔ کشتواڑ غا جنگلا تی علاقہ مانہہ حفاظتی دستاں نال ہوا ٹاکرا غے دوران 2 دہشت گرد ہلاک کر دتا گیا ہیں۔

*4۔ جموں کشمیر پلک تیں گلمرگ مانہہ شروع ہون آلا 6 واں کھیلو انڈیا سرمائی کھیڈاں غا دوجا مرحلہ غی میزبانی واسطے مکمل تیار ہے۔ اس مانہہ 3 سو کھلاڑیاں غی شرکت غی امید ہے۔

*5۔ تے ضلع مجسٹریٹ جموں نے دو بندوقا غی حد نافذ کرتاں واں 10 دن غے اندر اضافی ایسا ہتھیار اں نانہہ حوالے کرن غو حکم دتو ہے۔

خبریں غی تفصیل نال پہلاں عبدالمجید۔

PM MKB

وزیر اعظم نریندر مو دی نے اج فخر ظاہر کیو ہے جے دُنیا مستقبل مانہہ اے آئی غی طاقت کس طرح استعمال کرے گی، کی سمت مانہہ انڈیا اے آئی امپیکٹ سمٹ اک اہم موڑ ثابت ہوئو ہے۔ آکاشوانی ور من کی بات پروگرام مانہہ مُلک غا لوکاں سنگ خطاب کرتاں واں وزیر اعظم نے اس گل ور لو پائی جے بہت سارا مُلکاں غا رہنما، صنعت کا رہنما، ایجاد کار تے اسٹارٹ اپس سیکٹر نال وابستہ لوک اے آئی امپیکٹ سمٹ یعنی مصنوعی ذہانت غا اثر بارے اجلاس واسطے نوی دہلی غا بھارت منڈیم مانہہ اکھٹا ہوا ہیں۔ وزیر اعظم نے گجھ منفرد نمائشاں غو ذکر کیو جنہاں نے عالمی توجہ اس پاسے دوائی، انہاں نے خاص طور ور امور غی طرفوں لایا وا اسٹال غو ذکر کیو تے نمائش کی۔ وزیر اعظم نے اس بارے کہیو۔۔۔ بائٹ۔۔۔ ووکل فار لوکل غا منتر نانہہ دُہراتاں واں وزیر اعظم نے شہریاں ور زور پایو ہے جے وے مُلک مانہہ بنی مصنوعات خریدیں تے آتم نربہر بھارت یعنی خود کفیل بھارت غی تعمیر مانہہ اپنو حصو پا سکیں۔ انہاں نے کہیو ہے جے دیسی مصنوعات غی ہر خریداری مُلک غی معیشت نانہہ مضبوط کرے۔ انہاں غو کہنو تھو۔۔۔ بائٹ۔۔۔

اج من کی بات پروگرام مانہ وزیر اعظم نے طالب علمان تیں بطور امتحانی جنگجو خطاب کیو۔ انہاں نے طالب علمان غی حوصلہ افزائی کی جے وے بغیر کسے دبائو غے امتحاناں غی تیار کرین تے انہاں نے یاد کرایو جے ان غی اہمیت غو تعین صرف نمبران تیں نہیں ہوتو۔ وزیر اعظم نے یقین غو اظہار کیو جے طالب علم بہترین کارکردگی غو مظاہرہ کریں گا تے زندگی مانہ نوی بلندیان مانہ چھواں گا۔ وزیر اعظم نے کہیو۔ بانٹ۔۔۔ من کی بات غا اس شماره مانہ وزیر اعظم نے ڈیجیٹل ارسٹ ڈیجیٹل دھوکہ دھڑی غا بارہ مانہ وی گل کی۔ انہاں نے کہیو جے من کی بات مانہ اس دھوکہ دھڑی غا بارہ مانہ گل کرن غے بعد سماج مانہ کافی بیداری آئی ہے۔ بہر حال ایسا واقعات اجوں وی ہو رہیا ہیں۔ وزیر اعظم نے تمام لوکان ور زور پایو جے وے چوکس رہیں تے ایسا دھوکا بازاں تیں باز رہیں۔ انہاں نے کہیو۔ بانٹ۔۔۔ جموں کشمیر پھر غا لوکان نے آکاشوانی ور من کی بات غو 131 ووں شمارو سٹیو تے ترقی، کامیابیاں تے تحریکی سنیہاں ور وزیر اعظم غی رائے ور قریبی نظر رکھی۔

مزید خبراں نال محمد اکرم چودھری ور اس تیں پہلاں یوہ پیغام۔(یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن انیر ڈاٹ گو ڈاٹ ان ور وی (دستیاب ہیں، اس تیں یہ خبر مہاری مو بائل ایپ تے ڈی ٹی ایچ ور وی دستیاب ہیں)

Encounter

ضلع کشتواڑ گا جنگلاتی علاقہ مانہ اج آپریشن تراشی 1 غے تحت حفاظتی دستاں نے اک تصادم غے دوران 2 دہشت گردان نانہ مار مکایو ہے۔ وائٹ ناٹ کور نے دسیو ہے جے خطہ مانہ دہشت گردان غی موجودگی غی اک سولمن غے بعد کاروائی شروع کی گئی تھی۔ وائٹ ناٹ کور، جموں کشمیر پولیس تے سی آر پی ایف غا جوانان نال تلاشی کاروائی غے دوران اج سویرے دہشت گردان غو تصادم شروع ہو ئو تے دو طرفہ گولیاں ری غے دوران 2 دہشت گردان نانہ مار مکایو گئے۔ اس دوران تصادم آلی جگہ تی جنگی سامان جس مانہ 2 اے کے 47 رائفل وی شامل ہیں برآمد کی گئی ہیں۔ اس علاقہ نانہ گھیرا مانہ لے غے مزید دہشت گردان غی موجودگی غو پتو لان واسطے تلاشی کاروائی جاری ہے۔ اس بارے پیش ہے مہارا نامہ نگار کلاش ناتھ غی اک رپورٹ۔۔۔ بانٹ

Budgam Prop Attached

دہشت گرد عناصر غے خلاف فیصلہ کن اقدام چاتاں وں جموں کشمیر پولیس نے کل بڈگام مانہ جے کے این او پی غی غیر منقولہ جائیداد نانہ یو اے پی اے غی دفعات غے تحت ضبط کر لی ہے۔ یہ جائیداد ضلع بڈگام غی تحصیل خان صاحب غا گراں گا م گلہ مانہ 1 کنال 16 مرلہ غی خاص زمی ور پھیلی وی ہے۔ اس سلسلہ مانہ جائیداد نانہ منسلک کرن غی کاروائی بی این ایس ایس غی دفعہ 85 غے تحت عمل مانہ رکھی گئی ہے۔

KIWG Prep

جموں کشمیر کھیلو انڈیا سرمائی کھیڈاں غی میزبانی واسطے پوری طرح تیار ہے۔ جہیڑو پلک تو دنیا غا مشہور مقام گلمرگ مانہ شروع ہو رہیو ہے۔ کھیڈاں غی تقریب غی تمام تیاری مکمل کر لی گئی ہیں تے اس دوران لگ بھگ 3 سو تیں زیادہ کھلاڑی

الپائن، سکینگ، نارڈیک سکینگ، سکا ئی مو نٹرینگ تے سو بو رڈیگ تقریب مانہ شرکت اور مقابلہ متوقع ہے۔ اس عظیم الشان تقریب غو حصو بن واسطے ملک پھر تیں شراکت دار جوش و خروش غو اظہار کر رہیا ہیں۔ 26 فروری تک چلن آلی ان کھیڈاں غو مقصد سرمائی کھیڈاں نانہ فروغ دینو، سیاحت نانہ فروغ دینو تے نوجوان کھلاڑیاں نانہ بھارت غا بدتا واہ کھیڈاں غا ماحولیاتی نظام مانہ حصو لین غی ترغیب دینو ہے۔ موسم سرما غی کھیڈاں غا کجھ شائقین نے اس بارہ مانہ اس طرح کہیو۔ بائٹ۔

Fire Arm Regulation

بتھیار غا ضابطہ نانہ مضبوط بنان واسطے اک فیصلہ کن اقدام مانہ ضلع انتظامیہ جموں نے تمام اسلح لا ئسنس رکھ آلاں نانہ ہدایت کی ہے جے کہ وے زیادہ توں زیادہ 2 ہتھار رکھن نانہ محدود کرتاواں آرمس ایکٹ غی تعمیل کریں۔ ضلع میجسٹریٹ ڈاکٹر راکیش منہاس نے کہیو ہے جے لا ئسنس ہو لڈرز جن غے کول دو یاہ دو توں زیادہ ہتھیار ہیں وے اضافی ہتھیار جمع کراویں اور 10 دنان غے اندر اپنا اسلح لا ئسنس پیش کریں۔ عہدیداران نے خبردار کیو ہے کہ تعمیل نہ کرن ور لا ئسنس غی معطلی سمیت سخت کا روئی عمل مانہ آئی جائے گی۔ حکام نے زور پایو ہے کہ اس اقدام غو مقصد عوامی تحفظ نانہ یقینی بنان اور خطہ مانہ ہتھیار ان غا قانونی قبضہ نانہ منظم کرنو ہے۔

AMRUT- Udh

ادھم پور شہر مانہ لمّا عرصہ تیں پانی غی قلت غا مسئلہ نانہ نمڑان واسطے امرت 2.0 پروجیکٹ ور کم تاواں شروع ہو جائے گو۔ منظوری تیں بعد اس پروجیکٹ غو مقصد پانی غی فراہمی غا موجودہ نظام نانہ بہتر کرنو ہے تے پانی دریا، توی تیں لیو جا رہیو ہے۔ متعلقہ محکمہ غو کہنو ہے جے اس سلسلہ مانہ ٹینڈر یعنی ٹھیکا غو عمل شروع کر دتو گیو ہے جدکہ زمینی سطح ور تعمیری کم ڈیڑھ مہینہ مانہ شروع ہون غی توقع ہے، تے یوہ پروجیکٹ 2 بہراں مانہ مکمل کرن غو ہدف رکھیو گیو ہے۔ اس بارے مزید جانکاری دے رہیا ہیں مہارا نامہ نگار اچن دوبے۔ بائٹ۔

Water Tankers Doda

ضروری عوامی خدمات نانہ فروغ دین خاطر ضلع انتظامیہ ڈوڈہ نے چار خصوصی طور ور ڈیزائن کی گئی "ون ٹو ون" پانی غا ٹینکر عوام غے حوالے کیا، اور ڈوڈہ قصبہ مانہ 30 ہزار گیلن پانی غا نواں ذخیرہ غو افتتاح کیو۔ چار ٹینکر ز جہیڑا ہنگامی حالات غے دوران پین غا پانی غی فراہمی اور آگ بجھان واسطے استعمال کیا جا سکیں گا۔ یہ ٹینکر ضلع انتظامیہ اور ایم ایل اے بھدرواہ نے حلقہ ترقیاتی فنڈ سی ڈی ایف اور کپیکس بجٹ غے تحت سانجھا طور ور خریدیا تھا، ان غی گڈیاں نانہ ڈپٹی کمشنر ہرویندر سنگھ نے ڈی سی آفس کپیکس تیں ہری جھنڈی دس غے روانہ کیو۔ اس موقع ور ڈپٹی کمشنر ہرویندر سنگھ نے اس طرح کہیو۔ بائٹ۔

اس غے نال ہی خیراں غو یوہ بلیٹن ختم ہوؤ۔